

եկեղեցին, ուղղել ու դարմանել անկարգ ու թերի բաները, — նոր, բարեկարգ, երկիրզած և իմաստուն սերունդ մը հասցընել օրինակելի եկեղեցականներու, որոնք՝ իր և Ս. Մեսրոբի կենդանութեան առեն՝ աջակցեցան իրենց ըստ ամենայնի, և անոնց մահէն վերջ այնքան արիարար և իմաստնօրէն վարեցին հայ եկեղեցւոյ և ազգին դեկը:

Ս. Սահակի կանոններուն վերջը կայ Յիշատակարան Գրչի կոչուած ծանօթութիւն մը<sup>1</sup>, որ Ս. Լուսաւորչի կ'ընծայէ սոյն կանոնները, և Ս. Սահակէն պարզապէս թարգմանուած՝ յունարէնէ հայերէն: Սակայն անկարելի է ըոպէ մ'իսկ տատամսիլ և ընդունիլ այդպիսի ենթադրութիւն մը, քանի որ յայտնապէս կ'երեւի թէ անոնց հեղինակը ուրիշ ո՛չ ոք կրնայ ըլլալ՝ բայց միայն Ս. Սահակ, որ յաճախ կը յիշէ ու կը կրկնէ՝ թէ անձամբ տեսած, լսած ու քննած է այն բոլոր անկարգութիւնները և զանցառութիւնները, զորս այնքան հեղինակօրէն կը կշտամբէ, կը դատապարտէ և կը պատուհասէ: Ապա թէ ո՛չ՝ ինչպէս կարելի է բացատրել, երբ կ'ըսէ «որպէս ամրաստանոտրիսն եղև առ մեզ ի բազում տեղիս ժողովրդականաց զբահանայից»<sup>2</sup>, — դարձեալ, «զոր յուսար ի նոցանէ՝ գիտացար և սգացար»<sup>3</sup>, — նոյնպէս կ'ըսէ նոյն էջին մէջ, «յամենայն ժամ պատուար լեայ էր ի մեզ առ ձեզ»<sup>4</sup>, — դարձեալ, «և շեմք թէ զեկեղեցւոյ ըսպասս... յանօթ տան զինուորաց»<sup>5</sup>, եւն: Այս և ուրիշ նման ակնարկութիւններ ու բացատրութիւններ բաւականէն աւելի ցոյց կու տան, թէ բացարձակապէս Ս. Սահակ է սոյն կանոններուն հեղինակը, որ յատկապէս իր ժամանակի պահանջին և պէտքերուն համեմատ յօրինել ու կրցել է ամէն մէկ բարոյական ցաւերուն յարմար սպեղանիներ զնել և ամուր ամբարտակ մը կանգնել այն հոսանքին դէմ, որ ամէն սրբութիւն ու արդարութիւն խանգարած

ու վերիվայր շրջած էր: Այդ անկարգ ու անսանձ հոգին՝ այն դարուն տիրապետող տարրն էր, ոչ միայն հայկական՝ այլ և յոյն և մանաւանդ ասորի եկեղեցիներուն մէջ, ուր թերեւս յոռեգոյն էր կացութիւնը, ճարակած ըլլալով կղերականներուն մէջ ազահութիւնը, արծաթսիրութիւնը և սիմոնիանութիւնը, ինչպէս կ'աւանդեն ասորի գրիչները: Ճիշդ այդ ժամանակին է (410ին), որ պարսիկ իշխանութեան ներքեւ զանուող ասորի եկեղեցին կարելոր ժողով մը զումարեց Սելեկիոյ մէջ, հռչակաւոր Մարութա եպիսկոպոսին և տեղւոյն իսահակ կաթողիկոսին նախագահութեան ներքեւ, — և ինչ որ աւելի զարմանալի է, Յագկերտ Ա. (399-420) պարսիկ թագաւորին հովանաւորութեան տակ: Այդ ժողովին կանոնները և վճիռները հասած են մեզի, որոնց զլսաւոր նպատակն եղած է բարեկարգել և ամրացնել պարսիկ-ասորի եկեղեցւոյն նուիրապետութիւնը, և սանձել կղերականներուն մէջ սպրդած զեղծումները և անկարգութիւնները: Այդ ժողովէն երկու տարի վերջը (412-413ին), Եղեսիոյ մէջ ալ Բարուլաս եպիսկոպոսը — մեր Ս. Սահակի և Ս. Մեսրոբի ծանօթ բարեկամը — զանազան կարգեր ու կանոններ դրած է, իր թեմին եկեղեցականներուն ու վանականներուն մէջ վարակած ախտերը դարմանելու համար: Սակայն այդ կանոնները ո՛ր և է առնչութիւն չունին մեր Ս. Սահակի կանոններուն հետ, մանաւանդ որ սա անոնցմէ առաջ գրած ու հրատարակած էր իրենները, հաւանօրէն վաւարակուհ թագաւորին առաջին տարիները (իրը 400-405ին): Յաջորդ յօդուածով մը պիտի ջանամ լուսարանել այս կէտը, համառօտիւ համեմատութիւն մ'ընելով նոյն շրջանի հայ և պարսիկ-ասորի եկեղեցիներուն մէջ, որոնք գրեթէ նման պայմաններու մէջ կը զանուէին՝ քաղաքական տարբեր պարագաներու տակ:

Հ. Յ. Թ.

1. Սոփերք Բ. կանոնք Ս. Սահակայ. էջ 115.

2. Անդ. Ա. էջ 88.

3. Անդ. Ա. էջ 89.

4. Անդ.

5. Անդ. Թ. էջ 93.